

古今說部叢書

第二集

古今說部叢書

第三卷

神異經

漢 東方朔

東荒經

東荒山中有大石室。東王公居焉。長一丈。頭髮皓白。人形鳥面。而虎尾。載一黑

熊。左右顧望。恒與一玉女投壺。每投千二百。矯遺按仙傳拾字作鼻設有入不出者。天

為之嚙嚙。華曰矯出而脫。悞不接者。言失天為之笑。華云言笑者。天口流火。炤

是天笑也

東方有人焉。男皆朱衣縞帶。玄冠。女皆采衣。男女便轉可愛。恒恭坐而不相犯。

相譽而不相毀。見人有患。投死救之。名曰善人。俗云士人一名敬。俗云敬謹一名美。俗云美人

不妄言。喑喑然而笑。倉卒見之如癡。俗云善人如癡。此之謂也。

東方荒外有豫章焉。此樹主九州。其高千丈。圍百尺。本上三百丈。本如有條枝

數張如帳。上有玄狐黑猿。枝主一州。南北並列。面向西南。有九力士操斧伐之。

以占九州吉凶。斫之復生。其州有福創者。州伯有病。積歲不復者。其州滅亡。亡者

州伯死復者
木創復也

東方有桑樹焉。高八十丈。敷張自輔。其葉長一丈。廣六七尺。其上自有蠶作繭。長三尺。緣一繭得絲一斤。有椹焉。長三尺五寸。圍如長。

東方有樹焉。高百丈。敷張自輔。葉長一丈。廣六尺。其名曰梨。如今之榲梨。但樹大耳。其子徑三尺。剖之少瓢白如素。和羹食之。為地仙衣服不敗。辟穀可以入

水火。一名木梨

東方有樹高五十丈。葉長八尺。名曰桃。其子徑三尺二寸。和核羹食之。令人益

壽。按埤別本壽作壽短誤食核中仁可以治嗽。小桃溫潤。嘅嗽人食之即止。埤按別本作嘅嗽人肉滑者誤

東海之外荒海中有山。焦炎而峙。高深莫測。蓋稟至陽之為質也。海中激浪投

其上。噲然而盡。計其晝夜噲攝無極。若熬鼎受其洒汁耳。

大荒之東極至鬼府山臂。沃椒山。埤按立中記云天下之疆者東海之惡熾焉海水灌之即消即沃椒也脚巨洋海中昇載海日。蓋扶桑山有玉雞。玉雞鳴則金雞鳴。金雞

鳴則石雞鳴。石雞鳴則天下之雞悉鳴。潮水應之矣。東海滄浪之洲。生彊木焉。

洲人多用作舟楫。其上多以珠玉爲戲物。終無所負。其木方一寸。可載百許斤。縱石鎮之。不能沒。

東方荒中有木名曰栗。其殼徑三尺三寸。殼刺長丈餘。實徑三尺。殼亦黃。其味

甜食之多。令人短氣而渴。

按埤太平御覽引此去東荒北有栗樹高三十丈。栗徑三尺。其殼赤。其肉黃白。味甘。食之令人短氣而渴。

廣記所引出酉陽記

東方裔外有建山。其上多橘柚。

東南荒經

東南方有人焉。周行天下。身長七丈。

埤按說郭所引作七尺。誤。腹圍如其長。頭戴雞父魃頭。

華曰髮煩亂也。埤曰雞父未詳。

朱衣縞帶。以赤蛇繞額。

一作惡。蛇遠項。尾合於頭。不飲不食。朝吞惡鬼。

三千暮吞三百。此人以鬼爲飯。

埤按廣記飯作食。別本作飲。誤。

以露爲漿。廣記作露。名曰尺郭。一名

食邪道師云吞邪鬼。一名赤黃父。今世有黃父鬼。

東南荒中有邪木。高三千丈。或十餘圍。或七八尺。其枝喬直上不可攀也。

埤云何猶

也。葉如甘瓜。二百歲葉落而生花。花形如甘瓜。花復二百歲落盡而生蓂。蓂下

生子。三歲而成熟。成熟之後。不長不減。子形如寒瓜。長七八寸。徑四五寸。蓐復

覆生頂。

言發尊而得成實

此不取萬世如故。若取子而留蓐。蓐復生子。如初年月復成

熟。復二年則成蓐而復生子。其子形如甘藷。少靚

音練

甘美。食之令人身澤。不可

過三升。令人冥醉。半日乃醒。木高人取不能得。唯木下有多羅之人。緣能得之。

多羅國名

一名無葉。世人後生不見葉。故謂之無葉也。一名倚驕。

東南隅太荒之中。有樸父焉。夫婦並高千里。腹圍自輔。天初立時。使其夫妻導

開百川。嬾不用意。

說郭作用力

謫之並立東南。男露其勢。女露其牝。

勢牝謂男女之陰陽御覽作殺

不飲不食。不畏寒暑。唯飲天露。須黃河清。當復使其夫婦導護百川。古者初立

此人。開導河。河或深或淺。或隘或塞。故禹更治。使其水不壅天。賁其夫妻倚而

立之。若黃河清者。則河海絕流。水自清矣。

東南海中有烜洲。洲有溫湖。鮒魚生焉。其長八尺。食之宜暑而辟風寒。

東南有石井。其方百丈。上有二石闕。夾東南面。上有蹲熊。有榜著闕曰地戶。

南荒經

南方有人。人面鳥喙而有翼。手足扶翼而行。食海中魚。有翼不足以飛。一名鵩。兜書曰。放鵩兜于崇山。按古文尙書作鵩。一名鵩。爲人狠惡。不畏風雨禽獸。犯死乃休耳。

南方有人。長二三尺。袒身而目在頂上。走行如風。名曰魍。所之國大旱。俗曰一名格子。善行市朝衆中。遇之者投著廁中乃死。旱災消。詩曰。旱魃爲虐。或曰生捕得殺之。禍去福來。

南荒外有火山。其中生不盡之木。按別本作不盡之木。畫夜火燃。得暴風不猛。猛雨不滅。按玄中記南方有炎火山。四月生火。其木皮爲火浣布。

南方大荒之中有樹焉。名曰杻。杻者杻梨也。杻者株杻也。杻親暱也。三千歲作華。九千歲作實。其華藥紫色。其實赤色。其高百丈或千丈也。數張自輔。東西南北方枝各近五十丈。葉長七尺。廣五尺。色如綠青木。皮如梓樹。理如甘草。味飴。實長九尺。圍如其長而無瓢。核以竹刀剖之如凝蜜。一作酥。得食復見實卽減矣。言復見後實熟者。壽一萬二千歲。按言復見以下十三字乃茂先註。

南方大荒有樹焉。名曰如何。三百歲作華。九百歲作實。華色朱。其實正黃。高五十丈。敷張如蓋。葉長一丈。廣二尺餘。似管苧。色青。厚五分。可以絮如厚朴材。理如支九子。味如飴。實有核。形如棗子。或作棗子長五尺。圍如長金刀。剖之則酸。蘆刀

剖之則辛。食之者地仙。不畏水火。不畏白刃。

南方荒中有涕竹。長數百丈。圍三丈六尺。厚八九寸。可以爲船。其筍甚美。食之

可以止瘡癘。

張茂先註曰子筍也

南方有盱蟪之林。其高百丈。圍三尺八寸。促節多汁。甜如蜜。咋嚙其汁。令人潤

澤。可以節虬蟲。

廣記引作虬蟲

人腹中。虬蟲其狀如蚓。此消穀蟲也。多則傷人。少則穀

不消。是甘蔗能減多益少。凡蔗亦然。

不盡木火中有鼠重千斤。毛長二尺餘。細如絲。但居火中。洞赤時時出外。而毛

白。以水逐而沃之。卽死。取其毛績紡織以爲布。用之若有垢。浣以火燒之。則淨

南方蚊翼下有小蜚蟲焉。目明者見之。每生九卵。復未嘗有殢。復成九子。蜚而復去。蚊遂不知亦食人。及百獸食者。知言蟲小。食人不去也。此蟲既細且小。因

曰細蟻。陳章對齊桓公。小蟲是也。埤按陳章鷓鴣巢於蚊睫事見晏子春秋蟲常養生。以季夏藏于鹿耳中。名嬰蜋。

南方有獸。似鹿而豕首。有牙。善依人求五穀。名無損之獸。人割取其肉。不疾。肉復自復。其肉惟可作鮓。使糯肥美。而咋肉不壞。吞之不入。糯盡更添肉。復作鮓。如初。愈美。名曰不盡鮓是也。御覽獸部引此鮓字作潛鮮字作鮮南荒之外有火山。長四十里。廣五十里。其中皆生不燼之木。火鼠生其中。南方有銀山。長五十里。高百餘丈。悉是白銀。

西南荒經

西南大荒中。有人長一丈。腹圍九尺。踐龜蛇。戴朱鳥。左手憑白虎。知河海水斗斛。識山石多少。知天下鳥獸言語。土地上人民所道。知百穀可食。識草木鹹苦。名曰聖。一名哲。一名賢。俗曰一名無不達。凡人見而拜之。令人神智。此人爲天下聖人也。一名先通。

西南方有人焉。身多毛。頭上戴豕。食如狼。惡好自積財。而不食人穀。彊者奪老

弱者畏羣而擊單。名曰饕餮。春秋言饕餮者。縮雲氏之不才子也。一名貪惓。一名彊奪。一名凌弱。此國之人皆如此也。

西南荒中出訛獸。其狀若菟。人面能言。常欺人。言東而西。言惡而善。其肉美。食之言不真矣。言食其肉則其言不誠一名誕。

西荒經

崑崙西有獸焉。其狀如犬。長毛四足。似熊而無爪。有目而不見。行不開。有兩耳而不聞。有人知往。有腹無五臟。有腸直而不旋。食物徑過人。有德行而往。牴觸之。有凶德則往。依憑之。天使其然。名爲渾沌。春秋云。渾沌帝鴻氏不才子也。空居無爲。常咋其尾。回轉仰天而笑。以史記正義校

西方荒中有獸焉。其狀如虎。而犬毛。長二尺。人面虎足。猪口牙。尾長一丈八尺。攪亂荒中。名檮杌。一名傲狠。一名難訓。春秋云。顓頊氏有不才子。名檮杌是也。有人面目手足皆人形。而胫下有翼。不能飛。爲人饕餮。淫逸無理。名曰苗民。春秋所謂三苗。書云。竄三苗于三危。

西荒之中有人焉。長短如人。著百結敗衣。手虎爪。名曰獼猴。伺人獨行。輒食人腦。或舌出盤地丈餘。人先聞其聲。燒大石以投其舌。乃氣絕而死。不然食人腦矣。

西方日宮之外

廣記引作自官

有山焉。其長十餘里。廣二三里。高百餘丈。皆大黃之金。

其色殊美。不雜土石。不生草木。上有金人。高五丈餘。皆純金。名曰金犀。入山下。一丈有銀。又一丈有錫。又入一丈有鉛。又入一丈有丹陽銅。似金可鍛以作錯塗之器。淮南子術曰。餌丹陽之爲金是也。

西荒中有獸如虎。豪長三尺。人面虎足口牙。一丈八尺。人或食之。獸鬪終不退。却唯死而已。荒中人張捕之。復黠逆知。一名倒壽。

西方深山中有人焉。身長尺餘。祖身捕蝦蟹。性不畏人。見人止宿。暮依其火以炙蝦蟹。伺人不在而盜人鹽以食蝦蟹。名曰山臊。其音自叫。人嘗以竹著火中爆燥而出。臊皆驚憚。犯之令人寒熱。此雖人形而變化。然亦鬼魅之類。今所在山中皆有之。

西海水上有人乘白馬朱鬣。白衣玄冠。從十二童子馳馬西海水上。如飛如風。名曰河伯。使者或時上岸。馬跡所及。水至其處。所之之國。雨水滂沱。暮則還河。西海之外。有鵠國焉。男女皆長七寸。爲人自然有禮。好經綸拜跪。其人皆壽三百歲。其行如飛。日行千里。百物不敢犯之。唯畏海鵠。過輒吞之。亦壽三百歲。此人在鵠腹中不死。而鵠一舉千里。

西方山中有蛇。頭尾差大。有色五彩。人物觸之者。中頭則尾至。中尾則頭至。中腰則頭尾並至。名曰率然。茂先註云。會稽常山最多此蛇。孫子兵法。三軍勢如率然者是也。

西北荒經

西北有獸焉。狀似虎有翼。能飛。便勦食人。知人言語。聞人鬪輒食直者。聞人忠信輒食其鼻。聞人惡逆不善輒殺獸往饋之。名曰窮奇。亦食諸禽獸也。

據按別本云窮

奇似牛而狸尾長曳地其聲似狗狗頭人形鉤爪鋸牙逢忠信之人齧而食之逢姦邪者則禽禽獸而伺之

西北荒有人焉。人面朱髮蛇身。手足而食五穀禽獸。貪惡愚頑。名曰共工。書

流共工於幽州。幽州北裔也。而此言西北方相近也。皆西裔之族耳。

西北荒中有玉醴之酒。酒泉注焉。廣一丈。長深三丈。酒美如肉。澄清如鏡。上有玉尊玉籩。取一尊一尊復生焉。與天同休。無乾時。石邊有脯焉。味如麋鹿脯。飲此酒人不生死。一名遺酒。其脯名曰追復。食一片復一片。或作一斤

西北荒中有二金闕。高百丈。金闕銀盤圓五十丈。二闕相去百丈。上有明月珠。徑三丈。光照千里。中有金階。西北入兩闕中。名曰天門。埤按陸公佐新闕銘云。北荒明月即此事。

西北荒中有小人。長一分。其君朱衣玄冠。乘輅車馬。引爲威儀。居人遇其乘車。抓而食之。其味辛。終年不爲物所咋。并識萬物名字。又殺腹中三蟲。三蟲死。便可食。僊藥也。

西北海外有人。長二千里。兩腳中間相去千里。腹圍一千六百里。但日飲天酒五斗。張華云天酒甘露也。不食五穀魚肉。唯飲天酒。忽有饑時。向天仍飲。好遊山海間。不

犯百姓。不干萬物。與天地同生。名曰無路之人。一名仁。一名信。一名神。

北荒經

北方荒中有棗林。其高五十丈。敷張枝條數里餘。疾風不能偃。雷電不能摧。其子長六七寸。圍過其長。熟赤如朱。乾之不縮。氣味潤澤。殊於常棗。食之可以安軀。益於氣力。故方書稱之赤松子云。北方大棗味有殊。既可益氣。又安軀。北方荒中有石湖。方千里。岸深五丈餘。恒水。唯夏至左右五六十日。解耳。湖有橫公魚。長七八尺。形如鯉而赤。晝在水中。夜化爲人。刺之不入。煮之不死。以烏梅二枚煮之。則死。食之可止邪病。其湖無凸凹。平滿無高下。

北方層冰萬里。厚百丈。有磤鼠在冰下。

埤按御覽
磤作鼯鼠

土中焉。形如鼠。食草木肉重

千斤。可以作脯。食之已熱。其毛八尺。可以爲褥。臥之却寒。其皮可以蒙鼓。聞千里。其毛可以來鼠。此毛所在。鼠輒聚焉。

北海有大鳥。其高千尺。頭文曰天胸。又曰候。左翼文曰鷺。右翼文曰勒。頭向東。正海中央捕魚。或時舉翼而飛。其羽相切。如風雷也。

東北荒經

東北荒中有木高四十丈。葉長五尺。廣三尺。名曰栗。其實徑三尺二寸。其殼赤。

其肉黃白味甜。食之令人短氣而渴。

中荒經

崑崙之山有銅柱焉。其高入天。所謂天柱也。圍三千里。周圍如削。下有回屋方百丈。仙人九府治之。上有大鳥。名曰希有。南向張左翼覆東王公。右翼覆西王母。背上小處無羽。一萬九千里。西王母歲登翼上之東王公也。故其柱銘曰。崑崙銅柱。其高入天。員周如削。膚體美焉。其鳥銘曰。有鳥希有。祿赤煌煌。不鳴不食。東覆東王公。西覆西王母。王母欲東。登之自通。陰陽相須。唯會益工。九府玉童玉女。與天地同休息。男女無爲匹配。而仙道自成。張茂先曰。言不爲夫妻也。男女名曰玉人。

東方有宮。青石爲牆。高三仞。左右闕高百尺。畫以五色。門有銀榜。以青石碧鏤。題曰天地長男之宮。西方有宮。白石爲牆。五色玄黃。門有金榜而銀鏤。題曰天地少女之宮。中央有宮。以金爲牆。門有金榜。以銀鏤。題曰天皇之宮。南方有宮。以赤石爲牆。赤銅爲門。門有銀榜。曰天皇中女之宮。北方有宮。以黑石爲牆。題

曰天地中男之宮。東南有宮。黃石爲牆。黃勝碧鏤。題曰天地少男之宮。西北有宮。黃銅爲牆。題曰地皇之宮。

東方裔外有東明山。以青石爲牆。西方裔外有大夏山。以金爲牆。南方裔外有岡明山。以赤石爲牆。西南裔外老壽山。以黃銅爲牆。東南裔外閭清山。以青石爲牆。西北裔外西明山。以白石爲牆。皆有宮。蓋神仙宅也東北有鬼星。石室三百戶。共一門。石勝題曰鬼門。西南銅關夾勝。題曰人往門。東北銅關夾門。勝題曰人來門。

南方有獸焉。角足大小形狀如木牛。皮毛黑如漆。食鐵飯水。其糞可爲兵器。其利如剛。名曰齧鐵。玄黃經云南方齧鐵糞利爲剛食鐵飲水腸中不傷瘡按今蜀中深山亦有齧鐵獸

鬼門晝日不開。至暮即有人語。有青火色。

四海大荒有馬。其大二丈。髯至膝尾。委地蹄如丹腕。可握。日行千里。至日中而汗血。乘者當以絮纏頭。以辟風病。彼國人不纏。

北方有獸焉。其狀如獅子。食人。吹人則病。名曰𧈧。音恒近人村里。入人居室。百

姓愚苦。天帝徙之北方荒中。

西方深山有獸焉。面目手足毛色如猴。體大如驢。善緣高木。皆雌無雄。名綢順。人三合而有子。要路彊牽男人。將上絕冢之上。取菓并竊五穀食。更合三畢而定。十月乃生。

不孝鳥狀如人。身犬毛。有齒猪牙。額上有文曰不孝。口下有文曰不慈。鳥上有文曰不道。左脅有文曰愛夫。右脅有文曰憐婦。故天立此異畀以顯忠孝也。